

مجله ادب و فن

هر شهر عربی ابتدا سیله اون بشنده نشر اولنور (۵۲)

جلد ۵ - جزو ۵۲ [فی ۱۵ محرم سنه ۱۳۰۴] نهمین ۳ غروش

آردن بر مدت یکدکدن صکره امیل دوژیر اردن امپراطوره شویله
بر عریضه تقدیم ایدر :

« حشمتی افندم ! بیل باشندده احسان بیوریلان کتابی بوگون ختم
ایلدن . عنایت علیه حشمتیناهیلرندن جلد نایسنک دخی احساننه منتظریم »
امپراطور ینسه او مقدار قائمه دن عبارت بر کتاب دها ارسالیله ال
صوگ قائمه نك ینسه یاپشیدر دینی بر ورقیه دخی (جلد ثانی در دست طبعدر)
عباره سنی تحریر ایله بویولده عطایاسنک اشبو ایکنجی دفعه ایله ختام بولمیدغنی
افهام ایلر .

اوج کونده یکی دنیادن اوروبایه سیاحت

آمریقاییلر هر شیده ابراز عظمت اتمک آرزو بسنده درلر . اکثر
خصوصانده اینسه بو آرزولرینی موقع فعله ایصال ایدرلر . منلا زرهلی سفینه یی
آنلر یابدیلر . صکره زرهلی سفینه لری رخنه دار ایده بیله جک گله ایجاد ایدیلر ،
براز صکره زرهلرک ثخننی بر قاج قاته ابلاغ ایلدیلر . آنک اوزرینسه ده
طور پینی وجوده گتیردیلر . طور پینی تاثیر سز براقق ایچون زرهلی ویا
زره سز سفینه تلدن بر آغ کچیردیلر . حاصلی هر مشکل ایچون بر چاره
هر چاره یه بر مانعه کشف ایلدیلر .

بو دفعه ده (طورنتون) اتخنده بر مهندس نیویورقندن لیوودرپوله
۳ بحق کونده سیاحت ایده بیلک ایچون عادتاً قاره واپورلر بله مسابقت
ایله بیله جک برواپور انشاسنه مباشرت ایشلدوکه شمعدی یه قدر دریایه ایندیریلان
سفاینک بو درجه لرده جسمیم و سرباهی گورلما مشدر .
[سیانتیفیک آمریقن] نامنده کی مجموعه علومک روایتنه گوره در دست
انشا بولنان بو واپور ۸۰۰ متره طولنده و ۸۰ متره عرضنده اوله جق
و ۲۵۰,۰۰۰ بارگیر قوتنی و ۳۸۰,۰۰۰ طنون حجم استیغایسنی حائر اوله جق
و ساعتده ۳۵۰۰۰ کیلو کومور حرق ایدرک ساعتده ۷۵ میل

مسافه قطع ایلیه جک و بناء علیه آمریقادن یوم حرکتدن اعتباراً ۳ بحق گونده
انگاترەنک لیوهر پول اسکله سنه مواصلت ایلیه جکدر .

ملئقطات

غزته قطاری

آمریقاده یالکزر غزته ایصالنه مخصوص اولق اوزره بودفعه مخصوصاً
شومندوفر اداره لرنده بر لوقوموتیف و بر یوک عرب سیه برده پوسته جی عربیه -
سندن عبارت اوله رق بر (غزته قطاری) تشکیل ایدلمشدرکه ساعتده ۲۴۲
کیلومتره مسافه قطع ایلیه جکمش . چونکه آمریقاده بعض بلاد واردرکه
شومندوفرله یدی گونده ایصال مکاتب اولنه یلکده در .

درت یوز میلیون نفوسه مالک اولان چین قطعده سنده یالکزر ۲۰ غزته
نشر اولمقده در .

اوروپا لیلرک برتدیری

روم لیلر تبدل اقلیمک سبب اولدینی خسته لکاری منع ایچون برعاده
رعایت ایدرلردی که غایت بسیط ایدی :
سفر بر اولان عساکردن هر برینه برقاج گون کفایت ایده جک مقدار
سرکه توزیع ایدرلردی . افراددن هر بری سوا ایچه جکی زمان سود ورونه
برطامله قدر سرکه آقیدر و بونکله پک چوق امراضدن مصون بوانوردی .

سوفوقل ایله برمتشاعر

یونان قدیم مشاهیر شعراسندن سوفوقل برمتشاعر ایله گوریشورکن
« بن اوج بیقی آنجق اوج گونده انشا ایده بیلیم » دیدیکنده ، متشاعر دیرکه
— اما یاپدیگزها ..! بن اوج گونده اوج یوز بیت انشاد ایده بیلیم .